

**3348. fundur bæjarráðs, haldinn í fundarherbergi 3. hæð, Stillholti 16-18,
12. júlí 2018 og hófst hann kl. 08:15.**

Fundinn sátu:

Elsa Lára Arnardóttir formaður, Valgarður L. Jónsson varaformaður, Rákel Óskarsdóttir aðalmaður, Sædís Alexía Sigurmundsdóttir verkefnastjóri og Sævar Freyr Þráinsson bæjarstjóri.

Fundargerð ritaði: Sædís Alexía Sigurmundsdóttir, verkefnastjóri.

Fyrir tekið:

1. 1806015 - Starf - Tónlistarskólinn skólastjóri

Skóla- og frístundaráð vísar erindi um ráðningu skólastjóra Tónlistarskóla Akraness til afgreiðslu bæjarráðs.

Valgerður Janusdóttir sviðsstjóri skóla- og frístundasviðs tekur sæti á fundinum undir þessum lið og fer yfir ráðningarferlið og tillögu.

Bæjarráð þakkar Valgerði fyrir komuna á fundinn og samþykkir tillögu skóla- og frístundaráðs um ráðningu Jónínu Ernu Arnardóttur í starf skólastjóra Tónlistarskólans á Akranesi og óskar henni velfarnaðar í starfi.

2. 1801200 - Fjárhagsáætlun 2018 - viðauki

Viðauki nr. 3 við fjárhagsáætlun Akraneskaupstaðar 2018.

Bæjarráð í umboði bæjarstjórnar samþykkir viðauka nr. 3 við fjárhagsáætlun Akraneskaupstaðar 2018.

3. 1806108 - Langtímaveikindi starfsmanna 2018 - ráðstöfun fjármuna (veikindapottur)

Umsóknir stofnana Akraneskaupstaðar í veikindapott vegna tímabilsins janúar til og með júní.

Valgarður Lyngdal Jónsson vísar af fundi undir þessum lið.

Bæjarráð samþykkir að úthluta samtals kr. 15.755.188 úr veikindapotti Akraneskaupstaðar vegna tímabilsins janúar til og með júní 2018. Um er að ræða helming af heildarfjárhæð umsókna en endaleg úthlutun vegna tímabilsins verður tekin í lok árs þegar frekari upplýsingar liggja fyrir um heildarútgjöld stofnana vegna þessa á árinu.

4. 1806159 - Persónuverndarstefna Akraneskaupstaðar

Ný persónuverndarlög taka gildi á Íslandi þann 15. júlí 2018 og er þar kveðið á um mikilvægi þess að ábyrgðaraðilar innleiði viðeigandi persónuverndarstefnur.

Drög að persónuverndarstefnu Akraneskaupstaðar var lögð fyrir bæjarráð þann 21. júní síðastliðinn og var afgreiðslu hennar frestað þar til nú. Hjálögð er stefnan tilbúin til samþykktar.

Bæjarráð samþykkir nýja persónuverndarstefnu Akraneskaupstaðar.

5. 1806164 - Siðareglur fyrir kjörna fulltrúa hjá Akraneskaupstað

Afgreiðslu samþykktar á siðareglum kjörinna fulltrúa var frestað á fundi bæjarráðs þann 21. júní síðastliðinn og eru þær hér lagðar fyrir á ný til samþykktar.

Bæjarráð samþykkir siðareglur kjörinna fulltrúa.

6. 1807021 - Gosbrunnur í Skrúðgarðinum (listaverkið "Stúlka með löngu")

Skipulags- og umhverfisráð leggur til við bæjarráð að listaverkið "Stúlka með löngu" verði endurgert og tjörnin sem listaverkið hefur verið í verði endurvakin. Áætlaður kostnaður við endurgerð listaverksins er kr. 550.000.

Bæjarráð samþykkir tillögu skipulags- og umhverfisráðs að endurgera listaverkið. Kostnaði, samtals kr. 550.000, verður ráðstafað af liðnum "ófyrirséð" í framkvæmdaáætlun 2018.

7. 1804119 - Deilisk. Grenjar hafnarsvæði - Krókatún 22-24

Skipulags- og umhverfisráð samþykkti fyrirbyggjandi umsögn sviðsstjóra við þeim athugasemdum sem bárust við grenndarkynningu. Skipulags- og umhverfisráð leggur til við bæjarráð (sem starfar í umboði bæjarstjórnar) að grenndarkynningin verði samþykkt og umsögn sviðsstjóra send þeim aðilum er lögðu fram athugasemdir.

Bæjarráð samþykkir fyrirbyggjandi umsögn sviðsstjóra við þeim athugasemdum sem bárust við grenndarkynninguna. Þeim aðilum er gerðu athugasemdir verði send umsögnin. Deiliskipulagsbreytingin er að öðru leyti samþykkt og skal auglýsing þar að lútandi send í B-deild stjórnartíðinda og til Skipulagsstofnunar.

8. 1803083 - Stytting vinnuvikunnar

Tilnefningu á nýjum fulltrúum í starfshóp um styttingu vinnuvikunnar var frestað á fundi bæjarráð þann 21. júní síðastliðinn.

Þess er farið á leit við bæjarráð að tilnefna tvo nýja fulltrúa í hópinn en bæði Ólafur Adolfsson og Ingibjörg Pálmadóttir hafa dregið sig úr starfshópnum.

Í stað Ingibjörgar og Ólafs taka bæjarfulltrúarnir Elsa Lára Arnardóttir (B) og Einar Brandsson (D) sæti í starfshópnum. Bæjarráð þakkar Ólafi og Ingibjörgu fyrir setu í starfshópnum.

9. 1806229 - Starfshópur um uppbyggingu á Dalbraut 4 - Þjónustumiðstöð

Stofnun starfshóps um uppbyggingu félagsmiðstöðvar á Dalbraut 4.

Bæjarráð samþykkir að stofna starfshóp um uppbyggingu þjónustumiðstöðvar á Dalbraut 4. Hlutverk starfshópsins er að koma með tillögur um endanlega útfærslu/hönnun á þjónustumiðstöð fyrir aldraða á 1. hæð Dalbrautar 4.

Kostnaður sem kemur til með að myndast vegna vinnu starfshópsins er ráðgjöf hönnuðar frá Bestla ehf. og þókun fyrir fundarsetu í samræmi við reglur Akraneskaupstaðar um laun fyrir setu í ráð, nefndum og starfshópum. Skal það tekið fram að ekki er greitt til þeirra einstaklinga sem eiga sæti í bæjarstjórn eða starfa hjá stofnun eða samtökum og þiggja þaðan laun. Þá getur starfshópurinn einnig kallað til þá sérfræðinga sem telst nauðsynlegt hverju sinni og skal það gert í samráði við bæjarstjóra og/eða bæjarráð, ef um fjárútlát er að ræða.

10. 1802385 - Þjónustuþörf nemenda

Skóla- og frístundaráð samþykkti fjármagnsbeiðni frá Brekkubæjarskóla vegna skólaþjónustu og vísar erindinu til bæjarráðs.

Bæjarráð samþykkir aukna fjárveitingu vegna málsins. Útgjöldunum verður mætt af liðnum 20830-4995.

11. 1807055 - Netbúnaður hjá Akraneskaupstað

Tillaga bæjarstjóra um endurnýjun á netbúnaði og þráðlausu neti í stofnunum Akraneskaupstaðar.

Bæjarráð samþykkir tillögu bæjarstjóra um bættan netbúnað í stofnunum Akraneskaupstaðar. Um er að ræða fjárfestingu samtals kr. 15.500.000. Með þessari aðgerð er verið að lækka rekstrarkostnað til framtíðar og gera Akraneskaupstað betur í stakk búinn undir tækniframfarir.

12. 1807065 - Persónuverndarstefna Héraðsskjalasafnsins á Akranesi

Persónuverndarstefna Héraðsskjaasafns Akraness.

Lögð fram til kynningar.

13. 1807064 - OR - Beiðni um samþykki eigenda um lántöku frá EIB

Erindi Orkuveitu Reykjavíkur þar sem farið er þess á leit við bæjartjórn Akraness að samþykkja tillögu að lántöku frá Evrópska Fjárfestingabankanum að upphæð 10 milljarðar króna.

Erindið var samþykkt í bæjarráði þann 16. júní 2016 en að fengnu álitu lögfræðings þarf bæjarsjórn að samþykkja lántökuna, erindinu er því vísað á ný til samþykktar.

Bæjarráð í umboði bæjarstjórnar samþykkir lántökuna.

14. 1709130 - Írskir dagar 2018

Fjölskylduhátíðin Írskir dagar á Akranesi 2018.

Bæjarráð þakkar öllum þeim sem komu að framkvæmd Írskra daga fyrir frábæra skemmtun sem heppnaðist í alla staði afar vel.

Fleira ekki gert, fundi slitið kl. 09:51.

*Elsa Lára Arnardóttir
Rakel Oskarsdóttir
Valgeir L. Jónsson*

Sam Fræg þriðingur

Sara S Aletta Sigmundsdóttir